



S

庶物異名疏 一危

戊午七月五日天琴書面

庶物異名四本

庶物異名疏序



吾友彪湖老異人曰陳無功有
異才多異撰不肯以常自慢而
必異聲垂千古聞著有庶物異
名疏三十卷自天地人羣至於

禽蟲神鬼其類亦與卷埒意似
倣太玄之策事以類從積數至
夥則又用玄八十一測更三乘
之爲三八二千四也其書之異
亦異本於玄蓋其生平遊多燕

塞江廣閩湖之異境其讀多七
畧四庫未載之異書其見多緯
曜山川動植眩幻之異變合諸
鬼異于蓬月旅篝山裝水橐光
怪陸離有十年宵旦之毫勤墨

勤莫不仰遡八萬之旋景深詣
三泉之下天旁際大瀛前追遐
宙凡命物而受名名名或歎乎副
物况可名非常名物且樂去其
常歡受其異于異睫異腕之異

人而幸居夫二千四百積異之
帙使曼倩神異不敢擅經彥升
述異無當譁記一展覽間覺到
眼生丹青曾聞換金石滿前雲
日對面衣纓都若在想天靈洞

倏忽移貿目駭而神舞也能無
使學圃藝場稍懷琦異者之心
染情飛人人欲得老異人爲帳
中祕乎何知異人無功有異子
獻可端孝淵學窮經世之奇奧

精授時之玄算而深造洞璣爲
石齋太史稱門墻知己且兩孫
英上輪斲偏授快佇鴻軒則司
天方奏石經艸堂有聚星占異
也

崇禎丁丑清和月立夏日友弟

姚士粦拜手序



叙

無功先生棲神霞外擲蹟

寰中蝨粉歎香鄴籟誇富

毫趺影錦梁苑辭岑介然

耿特之操人稱長者灼甚

通明之識社推祭酒益真
踔菘蘆而崛起握荃蓀以
自芳者已原夫觴辰振秀
墨畹貯清陋彼伊吾徒嬰
情於小草撫茲編簡靡輟

畧於截蒲肆獮稗虞全獻
荔酉腹筭四部學海爭瀾
唾落千花言泉淫涌雖輕
川走墮醋甕膠東足不窺
園未足方其苦心媿其篤

嗜也爾乃翔鴻北指駟馬
朔陞汭覽上都采竒遙集
蘭臺金匱之秘篋鞞胥象
譯之習文山川卉物之殊
姿閑卷瓌猥之末議罔弗

備厥攬拾登諸簾軸詠歎
言於介葛別積土于鳧曲
嗤撐犁其未洽昉貳肩而
尤博亾篋可補安世何慙
秘書在行伯施非將是以

冠裳華止門多問字之車
履舄紛如罌盈載酒之彥
大則稽乎掌故細或訂夫
齊諧摭核既弘唱酬間作
隘而徵書在列下士織名

懸捧檄之心曠言陟岵賡
參軍之什續咏鯨隅爰藉
公餘縱情幽討即從閩海
惣輯舊聞無諸故墟出摩
厓於薜嶼君謨昔髡刻文

石于藍江荔譜渥其流丹
榕城羃而濡翠文獻淵激
聲譽颯起嗣乃纈息還岫
決策拂衣賦彭澤之歸田
遶栽五柳仿仲蔚之閉戶

僅開三徑落花縈砌流水
映門挹葱蒨以自娛植護
蘓以蠲忿固已烟霞築性
衡泌裹足永矢弗告其在
斯乎若其人倫藻鑒物表

羽儀望嶺式廬浚郊謂載
春風却埽偶罷永和之帷
秋月照床屢入嘉賓之幕
問畊尺硯恒書大有擔囊
長缺不歎無魚鞵鞞鳴鏢

黃鐘之鍊自躍舩舩鼓棧
楚江之萍攸判藩溷胥留
鉛槧歛罟咸厠編摩此又
辯佞圖風隨方標異者焉
先生嘗自言曰居身所好

無逾簡冊筆寫耳綴不啻
拾寶徵斯緒論闕乃素心
寧惟天授三長寶已置趼
千古王公手錄都忘筆倦
虞卿著述豈盡窮愁侍史

高士躡之藏剖人夥殺青
之業羽陵扁啟於箱笈蟻
坡樂殫於琴書涉其涖者
辟嘗九鼎之嚮升其堂者
如矚五都之肆是用洛絃

騰價郢璧增玲瑯太史
預資採證大泌山人見推
閱博鏡叟以直諒相許竹
嬾以窮覽示稱或慕本聞
聲或臭溪把璧竝榮月旦

各志風期誠樵李之翹英
菴林之耆喆矣余學慚逐
日交托忘年絕調陽春曾
歊歌於下里孤桐素夕每
側耳于高山茲先生將出

度疏誕敷遐矚斲藍片玉
連城寵其晶熒擷浦寸珠
照乘珍其的皜大襄風雅
允扶瞶矇不揣蕪詞僭弁
芸帙豈三都序賦敢齊玄

晏度飲酒錄咏附輝靖節
云爾

蕉隱錢千秋撰



庶物異名疏自序

博物至張茂先撰志四百卷晉
武以為繁給麟筆側理精得十
卷後世以其近博之難如此楊
升庵謂博物記漢人撰胡元瑞
不知唐蒙而曲辨其有志無記

該洽如元瑞且爾况淺涉乎以
是知天下書即讀盡記不盡也
昔暝師之對諫珂仲父之答俞
兒子淵之知服匿休文之識罨
孟咸神於識而得諸記者且事
物未有不記而識如東方曼倩

劉子政不記山海經則畢方貳
負烏能立應不務研綜而欲審
撐犁一讀史辯旬始于注賦寧
無致譏仁懼強記之或遺也因
輯庶物之異夫名者疏其大歸
合三十卷二千四百五十餘名

曰物申義成一家言以供同好
但拾于覽見罔究緣始亡書間
采於類集謬按若覺衍真異冊
或得諸執還字宇倉皇罨訂以
逮芟香潤玉狗續蛇添諸無當
乎事物者請俟淹洽君子菽奧

刊譌嘉與增削而存之庶或百
分有一補夫博者也

藕居士陳懋仁識



庶物異名疏總目

合卷三十

部二十有五

黃甲至佩

阿二千四百五十有二

卷一之五

天部

黃甲至辟非九十有九

地部

青戊至河厲八十有五

人部上

龍嫡至事力七十有四

人部下

精夫至視皮八十有五

禮部

胡至隋四十有四

卷六之十

樂部

含微至鍵椎七十有一

支部

元皇介至鞠通七十有四

武部

勿至矛鈔百三十有四

居處部

長康至芻膾七十有一

章服部

啤至大韶八十有九

卷十一之十五

舟輿部

須慮至脅驅五十有六

農器部

定至敦牟二十有九

器用部上

周髀至鴿搯六十有三

器用部下

安哉至鳥銷七十有四

金石部

黃頰至軻蟲百一十有四

卷十六之二十

飲食部

楚瀝至寒百二十有七

布帛部

阿至帔四十有四

穀部

答董至秬三十有五

果部

隈支至庵羅九十有一

蔬部

御温至燕蓐蔬五十有四

卷二十之二十五

草部上 銚弋至義物錫八十

草部下 盜庚至忍冬九十有一

木部 繫迷至天采七十有三

羽部上 羽家至熒熒六十有七

羽部下 箴疵至竹林七十有四

卷二十六之三十一

獸部上 黔喙至馬銜一百有八

獸部下 駢突至富貴百七十有八

鱗介部 建邪至卹卹七十有九

蟲豸部 飛拾至沙嘖九十有二

鬼神部 俞兒至佩阿九十有七

庶物異名疏卷一目錄

天部

黃甲

青丙

黃極

泰鴻

黃乾

常融

玉隆

梵度

賈奕

越衡

宗飄

皇笳堂耀

羨天

從天

更天

睥天

廓天

咸天

沈天

成天

耆婆天

切利天

提婆

祁連

蔚藍

紫落

旬始

挈貳

天弓

膠葛

列缺

礮礮

焚輪

扶搖

格澤

圓羅耀

圓光蔚

裔

歸邪

淪漢

龍火

天衝

靄

雄雷

雌雷

震肉

武露

文露

天酒

天乳

樹介

青陸

丹陸

野馬

摩利支

硬雨

天宗

凍

執陰

叶詣

汜理

防忤

紐茲

徇約

地雁

天雁

陰液

銀潢

稷雪

汁

軍精

天醒

案戶

液雨

豁落

安調

何鼓

貫索

天策

玄戈

赤矛

離瑜

無厚

順流

墮光

百生樹

稜

象

鑄

監

闇

膏

彌

敘

濟

想

天積

側匿

辟非

庶物異名疏卷一

樵李陳懋仁無功著

天部

黃甲

青丙

周髀日高圖注黃甲與青丙相連王城去天名
甲甄鸞曰上天名青丙乾鑿度曰聖人索顛作
天又一大之物曰天

黃極

春秋運斗樞曰處犧女媧神農三皇皇者中也

合天履中開陰布綱上合黃極其施光明

泰鴻

泰鴻天也見鵬冠子

黃乾

黃乾皇天也見東漢書

常融

玉隆

梵度

賈奕

酉陽雜俎云三界外曰四人境謂常融玉隆梵度賈奕四天也護命經注合十四天以為無色界此其四也

越衡

宗飄

皇笏堂耀

護命經色界十二天越衡宗飄皇笏堂耀此其
三也

羨天

從天

更天

晬天

廓天

咸天

沈天

成天

太玄經九天一中天二羨天三從天四更天五
晬天六廓天七咸天八沈天九成天

耆婆天

楞嚴經耆婆天此名長壽天

切利天

切利天此名三十三天楞嚴注此天超過日月居須彌山頂出水高八萬四千由旬

提婆

祁連

西域名天曰提婆匈奴名天曰祁連

蔚藍

老學庵筆記云蔚藍乃隱語天名非可以義理解也杜子美梓州金華山詩云上有蔚藍天垂光抱瓊臺猶未有害韓子蒼乃云水色天光共蔚藍乃直謂天與水之色俱如藍耳恐又因杜詩而失之

紫落

紫落猶碧落也王勃文翟楚賢有碧落賦

旬始

天文志云旬始出北斗旁如雄雞其怒青黑色象伏鼈李奇云怒當言帑晉灼曰帑雌也或曰怒則色青宋均云怒謂芒角刺出河圖稽耀鉤曰填星散爲旬始王招橫春秋合誠圖曰旬始

王兵爭春秋考異郵曰旬始照其下必有滅王
楚辭造旬始而觀清都註者又謂之皇天名文
選東京賦欃槍旬始羣兇靡遺明以爲妖星妖
氣而召茲羣慝也纂注者乃謂欃槍見浹旬始
退註旣謬悠纂亦失攷

挈貳

天弓

爾雅虹爲挈貳郭璞云蜺雌虹挈貳其別名見
尸子白虎通曰天弓虹也又謂之帝弓蜺者斗
之精失度則蜺見態主惑於毀譽

膠葛

楚辭遠遊云騎膠葛以雜亂兮斑曼衍而方行
揚雄傳注云膠葛上清之氣也

列缺

礧礧

易元苞曰噬嗑列缺搏礧

線礧 玷

灼傳云列缺

搏雷之動也礧礧灼電之耀也揚雄賦霹靂列
缺吐火施鞭博物志以霹靂爲劈歷張揖謂陵
陽子明經云列缺氣去地二千四百里

焚輪

扶搖

詩云維風及頽爾雅焚輪謂之頽暴風從上下也毛傳頽風之焚輪者也風薄相扶而上喻朋友相須而成李巡云焚輪暴風從上來降謂之頽頽下也扶搖暴風從下升上故曰焱焱上也

格澤

天官書格澤

讀作鶴鐸

如炎火之狀黃白起地而上

下大上銳其見也不種而獲不有土功必有大害害星經作客劉履選詩補注乃云格澤爲獅子名曰白澤白與格相近白澤卽格澤謬哉且不知格澤作鶴鐸讀也

圓羅曜

圓光蔚

真誥云方諸山真人呼日爲圓羅耀外國呼爲濯羅耀九天真人呼爲濯耀羅三天真人呼爲圓光蔚俱見道書

商

商瑞雲也董子雨雹對曰雲則五色而爲慶三色而爲商西京雜記卿雲雲外赤內青謂之商太玄經云紫蜺商雲朋圍日君子小人並進之

象也

歸邪

歸邪瑞氣也盧舜治漢書評云燭星名歸邪所
燭城邑亂仁按天文志王城邑亂者燭星也歸
邪則如星非星如雲非雲歸邪出必有歸國者
其占與燭星不同文獻通攷瑞氣一曰慶雲二
曰歸邪盧評之言或別有據乎

淪漢

楚辭食六氣而飲沆瀣注陵陽子明經云秋食

淪漢者日沒後赤黃氣也

龍火

七命曰龍火西頽龍火火星也秋則西南見

天衝

呂覽曰雲狀有若犬若馬若白鵠若衆車有其
狀若懸釜而赤其名曰雲旄人蒼衣赤首不動
其名曰天衝高氏云衝物之氣

靄

靄跌佃早霜也見說文

庶物異名疏

卷一天部

雄雷

雌雷

師曠曰春雷初起其音格格霹靂者所謂雄雷
旱氣也其鳴依依音不大霹靂者謂之雌雷水
氣也

震肉

青溪暇筆云霹靂中有物如猴而小尖嘴肉翅
雷收聲後亦入蟄山行之人往往多于土穴中
得之謂之雷公不畏者恒啗之本草則謂之震
肉無毒止小兒夜驚大人因驚失心亦作脯與
食之此畜天雷所謂霹靂者也

武露

文露

春秋佐助期曰武露布文露沉宋均云甘露見
其國布散者人尚武文彩者則甘露凝重

天酒

天乳

瑞應圖曰甘露美露也神靈之精仁瑞之澤其
凝如脂其甘如飴一名膏露一名天酒晉中興
書甘露降耆老得敬則松柏受之尊賢容衆則
竹箠受之一曰天酒列星圖曰天乳在氐北降

爲甘露

樹介

樹稼

霧淞

春秋書雨木冰一名樹介木少陽人將有害陰氣脅木先寒得雨而冰曰樹介又名樹稼唐宗室見而嘆曰諺云樹稼達官怕必有大臣當之者合璧事類則云霧淞重窮漢備飯甕霧淞木冰也豐年之物

青陸

丹陸

緯畧云易通統圖曰日行東方青道曰青陸日

行南方赤道曰南陸日行西方白道曰西陸日行北方黑道曰北陸唯東以色言耳續漢書律曆志曰日行東陸謂之春却曰東陸也宋景文公曾用青陸字仁按錦帶云節屆朱明晷踵丹陸然則以色言不唯東之青陸又有南之丹陸矣

野馬

摩利支

野馬也塵埃也見莊子野馬日光一曰游絲水氣也龍樹大士曰日光著微塵風吹之野中轉

名之爲陽燄愚夫見之謂之野馬渴人見之謂之流水翻譯名義云摩利支此云陽炎在日前行

硬雨

宋紹興十七年臨安雨雹太學屋瓦皆碎學官申朝廷修諱言雨雹遂稱硬雨

天宗

月令孟冬之月天子乃祈年於天宗天宗日月星辰也

凍

凍暴雨也爾雅郭注今江東呼夏月暴雨爲凍雨

執陰

叶詣

拒理

防忤

酉陽雜俎云北斗魁第一星神名曰執陰第二星曰叶詣第三星曰視金第四星曰拒理第五星曰防忤第六星曰開寶第七星曰招搖

紐茲

博雅天淵謂之紐茲軫謂之鳥弩

杓約

地鴈

天鴈

杓約奔星見爾雅郭璞云流星也藝海河酌云
流星色青赤小者各地鴈墜則兵起青赤長二
三丈者名天鴈

陰液

陰液露也蔡邕月令章句釋為露結為霜

銀潢

銀潢天河也見詩疏緯書云王者有道則河直
如繩故江淹曰繩河也李賀謂之銀灣

稷雪

稷雪霰也見說文

汁

月令冬行夏令則天雨汁雨雪襍下曰汁

軍精

兵書云雲如日月有赤氣繞地不可攻城內黑
雲大如火星曰軍精勿犯

天醒

天醒景星也孫氏瑞應圖云狀如半月生于晦

朔助月爲明王者不私人則見

案戶

大戴禮夏小正七月案戶漢也案戶也者直戶也言正南北也

液雨

歲時記小春月內三雨爲液雨百蟲飲而藏蟄俗呼爲藥雨

豁落

李白詩身佩豁落圖腰垂虎盤囊均藻云豁落

北斗名

安調

太平御覽辰星北之位黑帝之子宰相之祥也一名安調一名熊星一名鈞星一名伺晨主德常行四仲當出不出天下旱色黃五穀熟色白中謀泄色青大臣憂

何鼓

爾雅何鼓謂之牽牛郭璞云今荆楚人呼牽牛爲擔鼓擔者荷也何胡可反荊州星占曰河鼓

一名三武一名天鼓又按星經牽牛有六星河鼓則自有三星所主亦不同又天官書牽牛爲犧牲其北河鼓

貫索

貫索九星爲賊人牢牢口一星爲門門欲開開則有赦若九星總見獄事煩

天策

左傳天策焯焯天策傳說星也

玄戈

星經云玄戈一星在招搖北

尚書樂什圖曰一玄戈招搖也

各臣戈五星守兵起星明動胡兵起

赤矛

帝命驗曰有人雄起戴玉英履赤矛鄭玄謂赤矛瑞星也

離瑜

獅山掌錄云西三星曰離瑜離與禱同袿衣也瑜玉飾皆婦人之服觀象玩占曰其星微小則後宮儉約明盛則婦人奢縱

無厚 順流 墮光 百生樹
無厚東方電名順流南方電名墮光西方電名
百生樹北方電名見獅山掌錄

十輝

禮春官眡祲掌十輝運之法以觀妖祥辨吉凶
一曰祲象鑄監闇曹彌敘濟想註鄭司農云輝
謂日光烝也祲陰陽氣相侵象者如赤鳥鑄日
旁氣四面反向如輝監雲氣臨日闇日月食曹
日月曹曹無光彌白虹彌天敘雲有次序如山

在日上濟升氣想輝光玄謂鑄日旁氣刺日監
冠弭彌氣貫日濟虹也詩云朝濟於西想雜氣
有似形想疏一曰祲據以爲官首十等多是日
旁之氣言輝亦是日旁輝光故總以輝言之

天積

天積天之藏府也天文要集

側匿

蔡邕云元朔而月見西方謂之側匿五行志作
仄匿

辟非

元氣生於九天之上名曰辟非辟非之烟下入人之身而爲明梁之氣居人五臟之中處乎心華之下此至氣之所在長烟之所托能知辟非之繇者乃得領祖太無領祖太無者盡體虛玄之大冠道素之標矣見道書

男蓋謨恭對

